

### 0.0.1 ānandasuttam

1. evaṃ me sutam: ekaṃ samayaṃ āyasmā ānando sāvattthiyaṃ viharati jetavane anāthapiṇḍikassa ārāme. tatra kho, āyasmā ānando bhikkhu āmantesi: 'āvuso bhikkhavoti. 'āvusoti kho te bhikkhu āyasmato ānandassa paccassosum, āyasmā ānando etadavoca: puṇṇo nāma āvuso āyasmā mantāniputto amhākaṃ navakānaṃ sataṃ bahūpakāro hoti. so amhe iminā ovādena ovadati:

2. upādāya āvuso ānanda, 'asmi'ti hoti, no anupādāya. kiñca upādāya 'asmi'ti hoti no anupādāya: rūpaṃ upādāya 'asmi'ti hoti no anupādāya. vedanā upādāya 'asmi'ti hoti no anupādāya. saññaṃ upādāya 'asmi'ti hoti no anupādāya. saṃkhāre upādāya 'asmi'ti hoti no anupādāya. viññāṇaṃ upādāya 'asmi'ti hoti no anupādāya. seyyathāpi āvuso ānanda, itthi vā puriso vā daharo yuvā maṇḍanaajātiko<sup>1</sup> ādāse vā parisuddhe pariyodāte acche vā udakapatte sakaṃ mukhanimittaṃ paccavekkhamāno upādāya passeyya, no anupādāya. evameva kho āvuso ānanda rūpaṃ upādāya asmīti hoti, no anupādāya, vedanaṃ upādāya asmīti hoti, no anupādāya, saññaṃ upādāya asmīti hoti, no anupādāya, saṃkhāre upādāya asmīti hoti, no anupādāya, viññāṇaṃ upādāya 'asmi'ti hoti, no anupādāya.

3. taṃ kiṃ maññasi āvuso ānanda, rūpaṃ niccaṃ vā aniccaṃ vāti? aniccaṃ āvuso. yaṃ paṇāniccaṃ dukkhaṃ vā taṃ sukhaṃ vāti? dukkhaṃ āvuso. yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ. etaṃ mama, esohamasmi, eso me attāti? no heṭaṃ āvuso.

4. vedanā niccaṃ vā aniccaṃ vāti? aniccaṃ āvuso. yaṃ paṇāniccaṃ dukkhaṃ vā taṃ sukhaṃ vāti? dukkhaṃ āvuso. yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ. etaṃ mama, esohamasmi, eso me attāti? no heṭaṃ āvuso.

5. saññā niccaṃ vā aniccaṃ vāti? aniccaṃ āvuso. yaṃ paṇāniccaṃ dukkhaṃ vā taṃ sukhaṃ vāti? dukkhaṃ āvuso. yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ. etaṃ mama, esohamasmi, eso me attāti? no heṭaṃ āvuso.

6. saṃkhārā niccaṃ vā aniccaṃ vāti? aniccaṃ āvuso. yaṃ paṇāniccaṃ dukkhaṃ vā taṃ sukhaṃ vāti? dukkhaṃ āvuso. yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ. etaṃ mama, esohamasmi, eso me attāti? no heṭaṃ āvuso.

7. viññāṇaṃ niccaṃ vā aniccaṃ vāti? aniccaṃ āvuso. yaṃ paṇāniccaṃ dukkhaṃ vā taṃ sukhaṃ vāti? dukkhaṃ āvuso. yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ. etaṃ mama,

esohamasmi, eso me attāti? no hetam āvuso.

8. tasmātiha āvuso, ānanda, yaṃ kiñci rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā sabbam rūpaṃ "netam mama neso'hamasmi na me'so attā"ti. evametam yathābhūtaṃ sammappaññāya daṭṭhabbam. yā kāci vedanā atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā sabbam vedanaṃ: 'netam mama neso'hamasmi na me so attā"ti, evametam yathābhūtaṃ sammappaññāya daṭṭhabbam. yā kāci saññā atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā sabbam saññaṃ: 'netam mama neso'hamasmi na me so attā"ti, evametam yathābhūtaṃ sammappaññāya daṭṭhabbam. yā kāci saṃkhārā atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā sabbam saṃkhāraṃ: 'netam mama neso'hamasmi na me so attā"ti, evametam yathābhūtaṃ sammappaññāya daṭṭhabbam. yaṃ kiñci viññāṇaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā sabbam viññāṇaṃ: 'netam mama neso'hamasmi na me so attā"ti, evametam yathābhūtaṃ sammappaññāya daṭṭhabbam.

**9.** evaṃ passaṃ āvuso, ānanda, sutavā ariyasāvako rūpasmimpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññāṇasmimpi nibbidanti. nibbindaṃ virajjati. virāgā vimuccati. vimuttasmiṃ vimuttamiti' ñāṇaṃ hoti. khīṇā jāti vusitaṃ brahmacariyaṃ kataṃ karaṇīyaṃ nāparaṃ itthatāyāti pajānātīti. "

**10.** puṇṇo nāma āvuso, āyasmā mantāniputto amhākaṃ navakānaṃ sataṃ bahūpakāro hoti, so amhe iminā ovādena ovadati. idaṃca pana me āyasmato puṇṇassa mantāniputtassa dhammadesanaṃ sutvā dhammo abhisameto'ti<sup>2</sup>.

---

<sup>2</sup>abhisamitoti - machasaṃ, syā.  
pts page 106